

山崎
書齋

ル 5
3016
1



115
3016
1-4

山海經廣注序

仁和柴紹炳撰



山海經初見漢志劉歆校定為一十八篇
云是伯益所撰其後尤表指為先秦之書
至晉郭璞為之傳凡二十二篇每卷有讚
梁張僧繇又為畫圖宋咸平中校理舒雅

明 5
號 3016
卷 1

重繪爲十卷其書雖流傳迄今中多疏略
未備同祖吳志伊任臣極沂源流爲禠述
一卷又於郭注外蒐而討之爲廣注十八
卷又取舒繪本次弟增訂爲圖象五卷都
爲一部書成屬余爲序之余旣受卒讀服
其補闕有功迺歎曰嗟乎斯誠所謂閱覽

博物君子哉蓋記稱道費而隱易費多識
以畜其德故春秋美國僑倚相周公自言
多藝仲尼之荅楛矢墳芊皆非淺見寡聳
者可測也如山經語近荒怪司馬遷已不
敢言然天地之間何所不有及其至也聖
人有不知未嘗謂非道之所存而鄙儒小

生欲槩以耳目格之乎相提而論蓋是禹
貢之外篇職方之附庸耳自管方聳之士
信而有徵若畢方貳負長臂兩面箴石之
類援引本末皆出於是書閱覽博物所資
烏可廢也借謂虞夏先典而有長沙零陵
桂陽諸賢之名疑屬子虛此顏之推斷爲

後人屏人者是矣且達識者比類而觀寧
得以豫章斥本草之訛張仲掛爾雅爲僞
乎故志伊殫精是書使山川方域草木禽
魚靡不考鏡同異條貫表裏網羅羣籍要
諸明備庶幾好事鼓吹來學津梁正復張
舒並駕景純可作亦何多讓焉雖然志伊

三十年名士好學深思著書滿家爲吾黨
其推何事不辨若余則衰遲善病於道罔
聞記問昏忘舊業日替豈復足備揚摧顧
自念董子觀道大原而識重常之巨陶淵
明讀書不求甚解而好覽山海經形諸賦
咏是知六籍之外聖賢載記爲學者不遺

既以稽古兼能格物余雖歎服無似於是
集猶篤好之斷未敢以玩物喪志爲解而
願爲閎博君子執鞭前導可也

言

康熙歲次丁未秋九月

山海經廣注序終

山海經雜述

元集

呂氏春秋曰禹東至樽木之地日出九津青羗之野欂木之所播天之山鳥谷青邱之鄉黑齒之國南至交秋孫樸續滿之國丹粟漆木沸水漂漂九陽之山羽人裸民之處不死之鄉西至三危之國巫山之下飲路吸氣之民積金之山其肱一臂三面之鄉北至人正之國夏海之窮衡山之上 之國夸父之野禹彊之所積水積石之山不有解墮

趙氏吳越春秋曰禹行七年案黃帝中經見聖人所記曰

九疑山東南天柱號曰宛委其書金簡玉字編以白銀瑒
其文禹登衡山夢赤繡朱衣自稱 蒼水使者曰欲得
我山神書者齋于黃帝嶽岩之下禹退又齋三月庚子登
宛委山發石取書按金簡玉字得通水之理復返歸嶽從
三子乘四載以行川始于霍山徧集五嶽遂循行四瀆與
益堯其謀行到名山大澤召其神而問之山川脈理金玉
所有鳥獸昆蟲之類及八方之民俗殊國異域土地里數
使益疏而記之名曰山海經使大章步東西編及度南北
暢八極之廣旋天地之數

家語子夏曰商聞山書曰地東西爲緯南北爲經

列子曰大禹行而見之伯益知而名之孟堅闢而志之

鶴牀經云山海乃夏后師雲華子所著

史記大宛傳太史公曰至禹本紀山經所有怪物余不敢
言之也

漢張騫傳贊禹本紀言河出昆侖言九州山川尙書近之
矣至禹本紀山經所有放哉

後漢書西南國論曰漢開四方之境欵殊俗之附文約之
所沾漸風聲之所周流幾將日所出入處也著自山經水

山海經

元集雜記

二

志者亦畧及焉

王充論衡談天篇曰按禹之山經淮南之地形以察鄒子之書虛妄之言也又別通篇曰禹王治水益王記異物海外山表無遠不至以所聞見作山海經董仲舒觀重常之鳥劉子政曉貳負之尸皆見山海經故立二事之說使禹益行地不遠不能作山海經董劉不讀山海經不能定二疑

張華博物志自序余觀山海經及禹貢爾雅說又地志雖曰采備各有所不載者作畧說云云又志曰大古書今見存有神農經山海經或云禹所作

左思吳都賦曰名載于山經形鑿于夏鼎

杜預釋例曰天有列宿之號地有山川之名尚矣今其遺文禹貢及山海經載其大略而春秋經國邑之名尤詳書記洞詮車永答陸雲書曰雖山海經異物志三京三都始不復過也

顏之推家訓曰山海經禹益所記而尊長沙零陵桂陽諸賢後人所屬非本文也

水經注敘曰昔大禹記著山海經而不備引元中記又曰穆天

子竹書及山海經皆埋蘊歲久編纂稀絕書策落次難以
緝綴又虞水注曰山海經劍志大禹記錄遠矣

謝莊詩山經亟旋覽水牒劬敷尋

劉孝儀啓曰雕鏤海籍圖載山經

江淹述古篇曰山經古書亂編篇分郭經有兩人不亡兮

庚信終南山義谷銘序曰燮理餘暇披關山經

嗜志漢初蕭何得秦圖書故知天下之要書後文得山海
經相傳以爲夏禹所記

蕭綽拾遺記錄曰按禹貢山海正史說名山大澤或不列

書圖著於編雜之部或有在無或同在異故使覽者迴惑
而疑焉

宏明集宗炳與何承天書曰山海經說死而更生者甚衆
崑崙之山廣都之野軒轅之邱不死之國氣不寒暑鳳卵
是食甘露是飲陰珎琪之樹軟朱泉人皆數千歲不死
崔贖答豫章書曰理高象繫管輅思而不解事崑山經
郭璞注而未詳

殷成式酉陽雜俎曰天地間所化所產突而旋成形者樊
然矣故山海經爾雅所不能究

杜佑通典曰禹本紀山海經不知何代之書恢怪不經疑天子刪詩書後尚奇者或先有其書如詭誕之言必後人所加也若古周書異越春秋越絕書諸雜書之流是矣文苑英華許敬宗賦曰覽山經而述聽詠周詩而遐想劉知幾史通曰夏禹敷土實著山經

韓愈毛穎傳曰山經地志字書圖書九流百家天人之書盧肇海潮賦狀曰言不及渾天而垂誕者凡五家莊子元中記主仲任論衡山經釋氏言四天

王欽若冊府元龜曰續伯益之山經備成周之上訓

周邦彥汴都賦曰山經所不記齊國所不觀

羅泌路史曰伯益掌火主驅禽獸命山川類草木別水土四嶽佐禹益以周四方逮人跡之所希至及舟輿之所空到內別五方之山外分八方之海紀其珍寶奇物異方之所生水土草木禽獸昆蟲麟鳳之所止頑祥之所隱及四海之外絕地之國殊類之人禹別九州任土作貢益取剩文類物善惡著山海經以備稽有又曰禹周行天下草木金走蜚動蟲魚禔益疏之以爲訣漬山海二經

王應麟五海云方志亦不傳荒經所不載又云惠帝紀注

師古引貳負之臣地理志引瑯邪臺外國傳引黃帝主苗
 龍列子注引大荒經文選注引東荒中山海南海外西經
 海外東經海內西經水經後漢書注王逸注楚辭天問多
 引之左傳疏服虔用山海經莊子釋文引海外經爾雅釋
 文引山海經及圖讚

又漢藝文志考證曰莊子言多詭誕或似山海經本陸德明語

又地理通釋序曰若山海經周書王會爾雅之釋地管子
 之地員呂覽之有始鴻烈之墜形亦好古愛奇者所不廢
 又小學紺珠曰山海經南西北東中山經為五篇海內海

外大荒三經南西北東各一篇海內經一篇相傳以為夏

禹所記又王氏周山川圖記云風后授圖九州治布山海經有經為篇十三

又困學紀聞曰山海經禹益所紀有長沙零陵桂陽諸暨
 之名本草神農所述有豫章朱崖趙國常山奉高真定歸
 淄馮翊之稱爾雅作於周公而云張仲孝友蒼頡篇造于
 李斯而云漢兼天下皆非本文

章俊卿山堂考索曰辨契丹之駁而誦山海經管子之有
 以曉之則若宋之劉敞

晁公武讀書志曰長沙零陵雁門皆郡縣名又自載禹鯀

似後人因其名參益之跋山海經

陶穀王母宮記曰考山經與竹書故兩留于前事

陸澄藏書目序曰山經地志具險易叙貢賦寓王政矣

楊慎水經序曰昔在陶唐水失其行神禹平之史官紀其

濬導之績於是乎禹貢作焉厥後好事者因禹迹之廣而

及異域圻壤悉載俶詭畢陳於是乎山海經作焉

朱謀埠水經叙曰地理書極稱該博乃今所傳僅山海佛

國十洲神異數種而已

黃省曾山海經水經合序略曰古山海經十八卷亦字中

之通撰也粵迦往牒則遠方圖物夏鼎之鑄象也豈耳

題湯令之備獻也百民聖齒成王之作會也出受八于管

仲之蒐揚也殘遺秦桂蕭何之顯布也魏厲躬長王充之

嗜信也以至孔疏據之以釋經漢志錄之而麗史齊澄演

之而聚書唐興繫之而建部守節屢登干正義應麟富武

干地鈔江淹補之而不能言甫刪之而頓頌

王世貞讀書後曰淮南子其辭出干呂氏春秋玉杯繁露

慎子鄧析山海圖經爾雅

胡應麟經籍會通曰地志昉自山海經陸澄任昉浸盛至

蕭德言等五百五十卷極矣

又三墳補逸曰穆天子傳文絕類山海經而事實大不同
自景純取山海經以注穆天子而穆天子傳殘闕不易讀
好古之士率生熟山海經胸中讀穆天子而景純之注又
分列其下故祇以爲同而弗以爲異試循其本文覈之則
二書之旨有天壤之懸者矣

又史書伯俾曰山海經稱禹益實周末都邑簿也

陳一中冠編曰堯八十六載伯益著山海經

黃一正事物相珠曰山海經禹治水所見著

朱維世補異經序曰東方朔著神異經記周巡天下所見
山海經所不載者列之雖有而不倫者亦列之遂知神異
經與山海經類

劉昌九類山曰禹登玉皇山得簡書周行天下伯益記之
作山海經

焦茲儀書論曰山海經禹益書也中有長沙零陵桂陽諸
暨如此郡縣豈禹時所有耶此類甚多或摹古書而僞作
或以已意而妄增

梁實河源記曰古今河源之說異山海經言崑崙之水亦

黃黑青色以方異其名往往不同或古今變易番漢異稱
蘆泉劉氏曰淮南子雜以呂氏春秋莊列鄧析慎子山海
經爾雅諸書

朱長春管子注曰不攬天官不知天之變也不讀地員不
知地之變也山經簡而穆志怪于恒上古之文也地員博
而奇衍恒于怪中古之文也

郭延年史通釋曰山經太史公已不敢言尤妄定爲秦書
疑信者半

顧起元說畧曰山海經古書也第首尾多衡決後世不考

又曰夏英公集古篆韻所引書目汗簡說文石經字畧古

老子山海經古史記古漢書云

董斯張吹景錄曰向疑列子雜魏晉人筆其爲南華語者
十之三夸父禺彊思士思女見山海經

劉鳳雜俎曰山海經文學大儒多讀學以爲奇

歸有光詩曰昔年曾讀山海經所稱怪獸多異名

陸時雍讀楚辭語曰天地之大何所不有山海經固多可
疑然安知其事之盡妄者

晉陶潛有讀山海經詩中云汎覽周王傳流觀山海圖後

顏魯公詠淵明詩曰手持山海經頭戴漉酒巾見廬山記
王應麟曰靖節之讀山海經猶屈子之賦遠遊也

南齊江淹欲爲赤縣經以補山海經之缺不成

南史王筠傳其自序云余少好抄書爾雅山海經本草並

再抄

宋史蘇頌傳山經本草無所不通又劉敞傳敞學問淵博
山經地志皆究大畧又何涉傳涉上自六經諸子百家旁
及山經地志醫卜之術無所不學

陶宗儀輟耕錄云莊藜塘山經地志廡所不具

黃省曾五嶽山人集讀山海經詩三章

後漢永平十二年賜王景山海經注云禹所作漢志山海
經十三篇劉歆所校凡三十二篇定爲十八篇固已不同
尤妄定爲先秦之書非禹及伯翳所作

唐六典秘書郎掌四部之圖籍史家十一曰地理以紀山
川郡國注云山海經等二百三十九部

裴孝源貞觀書史有大荒經圖

中興書目山海圖十卷本梁張僧繇畫咸平二年校理舒
雅銓次館閣圖書見僧繇舊蹤尚有存者重繪爲十卷又

載工侍朱昂進僧繇畫圖表于首僧繇在梁以畫著每卷

中先類所書名凡二百四十二種崇文曰同經雜修晁氏志圖十卷每雜等類

或題曰張僧繇畫也
王海作咸平出海經圖

漢志形法者大舉九州之勢以立城郭室舍六家百二十

二卷山海經為之首

書目又有圖十卷首載郭璞序節錄經文而圖其物如張

僧繇本不著姓名大禹治水元奧錄一卷不知作者叙禹

貢治水本末

唐志地理類郭璞注山海經二十三卷又圖贊二卷首二

卷

舊唐書志山海經十八卷圖讚二卷郭璞撰

中興書目山海經十八卷晉郭璞傳凡二十三篇每卷有

讚

崇文目晁氏志山海經十八卷

黃柏思校正崇文總目云
山海經侍中秀領校秀即
散也見東
觀餘論

宋史新編地理類山海經讚二卷五行類郭璞山海經十

八卷

馬氏文獻通考山海圖經十卷

程俱集宋朝李誠續山海經十卷

焦竑經籍志宋朝舒雅山海經圖十卷

劉會孟評山海經十八卷

楊慎山海經補注一卷

王崇慶山海經釋義十八卷

胡文煥山海經圖二卷

山海經古文一卷金石韻府引風靈猶猶二字

山海經日本文三萬九百十九字注二萬三百五十字總

五萬一千二百六十九字

古序說

西漢劉秀字子上山海經奏曰侍中奉車都尉光祿大夫

臣秀領校秘書言校秘書大常屬臣望所校山海經凡三

十二篇今定為一十八篇已定山海經者出于唐虞之際

昔洪水洋溢漫衍中國民人失據崎嶇於邱陵巢於樹木

鯀既無功而帝堯使禹繼之禹乘四載隨山刊木定高山

大川益禹伯翳主驅禽獸命山川類草木別水土四獄佐

之以周四方逮人跡之所希至及舟輿之所罕到內別五

方之山外分八方之海紀其珍寶奇物異方之所生水

草木禽獸昆蟲麟鳳之所止禎祥之所隱及四海之外絕域之國殊類之人禹別九州任土作貢而益等類物善惡著山海經皆聖賢之遺事古文之著明者也其事質明有信孝武皇帝時常有獻異鳥者食之百物所不肯食東方朔見之言其鳥名又言其所當食如朔言問朔何以知之卽山海經所出也孝宣帝時擊磬石於上郡陷得石室其中有一反縛盜械人時臣秀父向爲諫議大夫言此貳負之臣也詔問何以知之亦以山海經對其文曰貳負殺竇窳帝乃梏之疏屬之山桎其右足反縛兩手上大驚朝士由

是多奇山海經者文學大儒皆讀學以爲奇可以者禎祥變怪之物見遠國異人之謠俗故易曰言天下之至賾而不可亂也博物之君子其可不惑焉臣秀昧死謹上

東晉記室參軍郭璞

字景璞

山海經序曰世之覽山海經者

皆以其闕誕迂誇多奇怪俶儻之言莫不疑焉嘗試論之曰莊生有云人之所知莫若其所不知吾於山海經見之矣夫以宇宙之寥廓羣生之紛紜陰陽之眇蒸萬殊之區分精氣渾淆自相瀆薄遊魂靈怪觸像而構流飛於山川麗狀千木石者惡可勝言乎然則揔其所以乖鼓之於一

響成其所以變混之於一象世之所謂異未知其所以異世之所謂不異未知其所以不異何者物不自異待我而後異異果在我非物異也故一人見布而疑贗越人見芻而駭蠢益信其習見而奇所希聞此人情之常蔽也今畧舉可以明之者陽火出于水水陰鼠生于炎山而俗之論者莫之或怪及談山海經所載而生怪之是不怪所可怪而怪所不可怪也不怪所可怪則幾于無怪矣怪所不可怪則未始有可怪也夫能然所不可不可所不可然則理無不然矣案汲郡竹書及穆天子傳穆王西征見西王母

執壁帛之好獻錦維之屬穆王享王母於瑤池之上賦詩逞來辭義可觀遂襲崑崙之邛遊軒轅之宮眺崑崙之巔玩帝者之寶勒石王母之山紀跡元圃之上乃取嘉木豔草奇鳥怪獸玉石珍珠之器金膏燭銀之寶歸而殖養之於中國穆王駕八駿之乘石服盜驪左駟赤耳造父爲御犇戎爲右萬里長驚以周歷四荒名山大川靡不登濟東升大人之堂西燕王母之廬南轅龍鬣之梁北躡楨羽之衢窮歡極娛然後旋歸案吏記說穆王得盜驪騄耳驂騶之驥使造父御之以西巡狩見西王母樂而忘歸亦與

竹書同左傳曰穆王欲肆其心使天下皆有車轍馬跡焉
竹書所載則是其事也而譙周之徒足爲通識塊儒而雅
不平此驗之史考以著其妄司馬遷叙大宛傳亦云自張
騫使大夏之後窮河源惡覩所謂昆崙者乎至禹本紀山
海經所有怪物余不敢言也不亦悲乎若竹書不潛出于
千載以作徵于今日者則山海之言其幾乎廢矣若乃東
方生曉畢方之名劉子政辨盜械之尸主願訪兩面之客
海民獲長臂之衣精驗潛効絕代懸符於戲羣惑者其可
以少寤乎是故聖皇原化以極變象物以應怪監無滯蹟

曲盡幽情神焉瘦哉神焉瘦哉益此書跨世七代歷載三
千雖暫顯千漢而尋亦寂廢其山川名號所在多有舛謬
與今不同師訓莫傳遂將湮泯道之所存俗之所喪悲夫
余有懼焉故爲之創傳疏其蘊闕闢其萌蕪領其異致標
其洞涉庶幾令逸文不墜于世奇言不絕于今夏后之迹
靡刊於將來八荒之事有聞於後裔不亦可乎夫藝繪之
翔回以論壅天之凌蹄泐之遊無以知絳虬之騰鈞天之
庭豈俗人之所躡無航之津豈蒼兕之所涉非天下之至
通難與言山海之義矣嗚呼遠觀博物之客其鑒之哉

陳氏十人書目說山海經曰漢侍中奉車都尉臣秀所校
祕書秀卽劉歆也晉郭璞注案唐志二十三卷音二卷今
本錫山尤表延之校定世傳禹益所作其事見吳越春秋
曰禹東巡登南嶽得金簡玉字通水之理遂行四瀆與益
其謀所至使益疏而記之名山海經此其爲說恢誕不典
司馬遷曰言九州山川尚書近之矣至禹本紀山海經所
書怪物余不敢言之也可謂名言孰曰多愛乎故尤跋明
其非禹伯翳所作而以爲先秦古書無疑然莫能明其何
人也洪賡善神注楚辭引山海經淮南子以釋天問而晦

公物則曰古今說天問者皆本此二書今以文意考之疑此
二書本皆緣解天問而作此可以破乎載之感古今相傳
既久姑以冠地理書之錄

王應麟

字伯厚
宋人

山海經考證曰隋志相傳以爲夏禹所記

二十三卷郭璞注刻歆所定書其南西北東及中山號五
藏經凡五篇其文最多海內海外大荒三經南北西東各
四篇并海內經一篇總十八篇多者十餘簡少者二三簡
其卷後或題建平元年四月丙戌待詔太常屬臣望校治
侍中光祿勳臣龔侍中奉車都尉光祿大夫臣秀領主省

顏之推曰山海經禹益所記而有長沙零陵桂陽諸暨後人所屬非本衣也通典以爲恢怪不經疑天子刪詩書後尚奇者所作或先有其書如詭誕之言必後人所加也郭璞序曰東方生曉畢方之名劉子政辨盜械之尸王頎訪兩面之客海民獲長臂之衣精驗潛効絕代懸符論衡謂童仲舒觀重常之鳥劉子政曉貳負之只皆見山海經故能立二事之說今本十八卷劉歆定爲十八篇多於志五篇固已不同尤表定爲先秦之書非禹及伯翳所作晁氏曰長沙零陵雁門皆郡縣名又載禹鯀後人參益之薛氏

曰左傳稱大禹鑄鼎象物以知神教入山林者不逢不若山海經所述不幾是也經言大川所出及舜所葬皆秦漢時郡縣又有成湯文王之事管子之文其非先秦有夏遺書實矣劉歆直云伯益所記又分伯益伯翳以爲二人皆末之詳考于史記山海經書非後世之作也山海經要爲有本于古秦漢增益之書太史公謂言九州山川尚書近之至山海經禹本紀所言怪物余不敢言也然哉楊慎字明修山海經後序曰左傳曰昔夏民之方有德也遠方圖物貢金九牧鑄鼎象物物物而爲之備使民知神

山海經 卷之六 集解
姦入山林不逢不若魑魅魍魎莫能逢之此山海經之所
由始也神禹既錫元圭以成水功遂受舜禪以家天下於
是乎收九牧之金以鑄鼎鼎之象則取遠方之圖山之奇
水之奇草之奇木之奇禽之奇獸之奇說其形著其生別
其性分其類其神奇殊彙駭世驚聽者或見或聞或恒有
或時有或不必有皆一一書焉蓋其經而可守者具在禹
貢奇而不法者則備在九鼎九鼎既成以觀萬國向彼象
而魏之曰使耳而目之脫輶軒之使重譯之貢貢有呈焉
固以為恒而不怪矣此聖王明民牖俗之

后氏之

世雖曰尚忠而文反過於成周太史終古藏古今之圖至
桀焚黃圖終古乃抱之以歸殷又史言孔甲于黃帝姚姒
盤孟之銘皆結之以為書則九鼎之圖其傳固固于終古
孔甲之流也謂之曰山海圖其文則謂之山海經至秦而
九鼎亡獨圖與經存晉陶潛詩流觀山海圖阮氏七錄有
張僧繇山海圖可證也今則經存而圖亡後人因其義例
而推廣之益以秦漢郡縣地名故讀者疑信相半信者直
以為禹益所著既述其原而疑者遂斥為後人贗作詭譎
抑亦亂矣漢劉歆七畧所上其文古矣晉郭璞注釋所序

其說奇矣此書之傳二子之功與但其著作之源後漢或
忽故著其說附之筴尾

胡應麟字元瑞說山海經曰山海經古今語怪之祖劉歆謂

夏后伯翳撰無論其事即其文與典謨禹貢迥不類也余
嘗疑戰國好奇之士木穆天子傳之文與事而侈大博極
之雜傳以汲冢紀年之異聞周書皇會之詭物離騷天問
之遐言南華鄭圃之寓言以成此書其敘述高簡詞義
淳廣名號倬詭絕自成家故雖本會萃諸書而讀之反若
諸書之取證乎此者而實弗然也穆天子傳晉始出而此

書漢世獨完緣是前代文人卒未能定其先後亦自發之

于此俟大雅君子商焉見筆叢

又曰山海經本書不言禹益撰劉歆校定以爲禹任上作
貢而益等類物善惡著山海經蓋億度疑信之言趙氏吳
越春秋因禹登會稽遂撰爲金簡玉字之說趙東漢入在
劉歆後其僞無疑讀者但以禹益治水不富至海外而怪
誕之詞聖人所不道以破之而不据其本書案經稱夏后
啓事者三又言殷王子亥又言文王墓凡商周之事不一
而足趙氏但疑長沙桂陵數郡名及鯀湮息壤等文天鯀

山海經 卷之三 禹貢 事固禹益所覩商周易從知之哉

又曰此書蓋周末文人因禹鑄九鼎圖象百物使民入山林川澤備知神靈之說故所記多魑魅魍魎之類而於禹爲特詳

又曰始余讀山海經而疑其本穆天子傳雜錄離騷莊列傳會以成者然以出于先秦未敢自信載讀楚辭辨證云古今說天問者皆本山海經淮南于今以文意考之疑此二書皆錄天問而作則紫陽已先得其然經所紀山川神鬼凡離騷九歌遠遊二招中稍涉奇怪者悉爲說以實之

不濁天問也而其文體特類穆天子傳故余斷以爲戰國好奇之士取穆王傳雜錄莊列離騷周書晉乘以成者自非熟讀諸書及此經本末不易信也後世必有以余爲知言者

文曰經載叔均方畊謹兕方捕魚長臂人兩手各操一魚豎亥右手把算竽執弓矢擊齒執盾此類皆與紀事之詞大異近世坊間戲取山海經怪物爲圖意古先有斯圖撰者因而紀之故其文義應爾及讀王伯厚玉篇補傳引朱子曰山海經紀諸異物飛走之類多云東向或云東首疑

本依圖書而述之古有此學如九歌天問皆其類余意頗
爾釋然甚矣紫陽之善讀書也卽此文義之間古今博雅
所未究而讀能察之況平生精力卒于經傳者可淺窺乎
又曰古人著書卽幻說必有所本山海經之稱禹也名山
大山遐方絕域固本治水作貢之文至異禽詭獸異蟲之
狀充斥簡編雖戰國浮誇之習乃禹貢則亡一焉而何以
傳合也偶讀左傳王孫滿之對楚子曰昔夏之方有德也
遠方圖物貢金九牧鑄鼎象物百物而爲之備使民知神
姦故民人川澤曰林魍魎魍魎莫能達之不覺灑然整節

曰此山海經所由作乎蓋是書也其用意一在于懼所載
人物靈祇非一而其形則皆魍魎魍魎之屬也考王孫之
對雖一時辨給之談若其所稱圖象百物之說必有所本
至于周末離騷莊列輩其流遂不可底極而一時能文之
士因假穆天子之體縱橫附會勤成此書以傳于圖象百
物之說意將以禹益欺天下後世而過以誣之也自此書
之行古今學士但謂非出大禹而已而未有辨其本于穆
滿之文者尤未有察其本于王孫之對者區區名義之未
誠非大體所闕然亦可見古今事理第殫精索之卽千載

以上無弗可窮也作者有靈其將為余絕倒于九京也哉

任臣曰胡氏之說山海經辨矣然疑為後人本穆天子傳楚辭諸書而作非實錄也愚論具讀山海經語中

程良孺字權修說山海經曰夏禹伯益作山海經有長沙零

陵桂陽諸暨郡縣神農作本草而有豫章朱崖趙國常山

奉高真定臨淄馮翊等郡縣周公作爾雅而云張仲孝反

孔子作春秋而云孔某平左邱明作世本而有漢高祖燕

王喜汲冢瑣語乃載秦望碑李斯作蒼頡篇而有漢兼天

下海內并廁豨黥韓覆畔討滅殘司馬遷作史記而有班

固叙贊劉向作列仙傳而贊云七十四八出佛經入作列

女傳其字歆是成之而有更始韓天人明德馬皇后梁婦

人媿傳托其為後人所傳何疑見讀書考定

劉維山海經策曰禹平水土主名山川伯益等類物善惡

著山海經與禹貢互相發明內別五方之山外分八方之

海山與水鎔成舟車之所罕到人類之所希觀凡一十八

篇或云孔子刪後所出或去漢臣劉歆等多所附益如長

沙零陵桂陽諸暨後人所屬而其為唐虞間書則近之益

禹貢為地平天成歸告成功而作是已成之書也是故以

冀充青徐荆揚豫梁雍定州以上中下鎔綜定賦其詞確

山海經爲隨山川木創造經行而作是未成之書也故止以南西北東中定方隅而州則未定以海內外大荒定梗槩以鳥獸草木金主人物紀珍怪而賦則未定其詞詳禹貢以尊京師爲主故首冀州充最下故次充雍最高故終雍崑崙最遠故以織皮與三國終之而無他賦山海經治之導之從其所自起天下山起崑崙故山海經首南山禹貢以定賦獻天子崑崙在荒僻外故不列九州止言導河自積石而非以河源自積石也山海經備載環海內外故得原其所起要其所止獨其海外與大荒五方與海內辭

多類而事復則經度之始原爲未成大抵君子道其常達人觀其變語其正則盡之禹貢語其變則概之山經至若經言戴負之臣管轄之疏屬之山極其足縛其兩手至漢宣帝時猶驗此可爲戴心之臣戒有域民之國射域是食爲鬼爲蜮則不可得射而食之此可爲邪民戒豐次玉門日月所入倚大蘇門日月所生羲和之國浴日天虞浴月日月君象也而浴之此可爲夾輔日月者勸此卽無是事而理固足信况經備載之乎

陳一中論山海經曰山海經伯益直經劉氏郭氏經序羅

氏路史得之此可與虛心好古者道特筆續千漢儒之貂
義濫千景純之觴耳察其所志皆山川之產財貨之出風
士之俗祭祀之禮動植之情藥石之性灾祥之徵疾病之
宜道里之數帝王之葬鬼神之神神明之胃無非經國福
民之良博詢于山耆野老廣采千絕域遐方南天北地不
能無聞見之異兼收並錄無怪有彼此之殊故山海經爲
禹貢剩文有存無棄乃所謂聖人之至虛也千載之下東
方生劉子政習之其應如神所見之廣所志之博都非後
人能辨孰謂山海經非伯益之真十見一諸子

山海經逸文

應劭漢地理志涿氏縣注引山海經曰涿水所出

史記正義引山海經云紫淵水出根老夏之山西流注河

歐陽詢藝文類聚引山海經曰列缺電名

李善文選注引山海經曰閩風之山或上倍之是謂五圃
或上倍之是謂大帝之居

孫愐唐韻云魴魚名出山海經又云鵲鳥出山海經

韓鄂歲華紀麗引山海經曰狼山多毒草盛夏鳥過之不
能去

太平御覽引山海經曰獾獾食猛獸

東觀餘論引山海經曰南方出谷中有獸曰獬象鼻羸目牛尾虎足人寢其皮辟溫圖其形辟邪嗜銅鐵弗食他物王世貞異物彙苑亦引此又曰經一云白貌似熊十頭朱熹楚辭注引山海經曰禹治水有應龍以尾畫地即水泉流通禹囚而治之

虞厚合璧事類引山海經曰沃焦在碧海之東有石澗四萬里居百川之下故又名尾閭

高似孫緯略云山海經流沙之西丹山之南有鳳之圖

古卯字

郭象睽車志熙寧間泗州盱眙合自陳改名雍觀時王荆公當國怪其名云夢中神告如此其人後渡浮橋沒淮水事聞朝廷荆公曰向疑雍觀名因閱山海經乃知爲水官之名故慮其有水厄也厥後縣僚時夢雍觀騎從甚盛往來淮岸云

王應麟漢藝文志考證引山海經曰伏羲氏得河圖夏后因之曰連山黃帝氏得河圖商人因之曰歸藏列山氏得河圖周人因之曰周易

困學紀聞載孝肅王季海龍學何以从龍从耳對曰山海經龍聽以角不以耳又續文獻通考亦引此

吳淑事類賦注引山海經曰僊女降露僊人常飲之

李肇國史補引山海經云水獸好為雲禹璣之名巫支祈

較耕錄又云山海經水獸好為雲雨禹鎖于軍山之下名無支祈

楊慎外集曰陸渾山山海經作賁渾案古陸字作賁賁渾當是番渾之誤

楊慎均藻引山海經曰鳳九鳳卯也山獾即山魃

劉虞稽瑞錄引山海經曰鸞鳳之佐鳴中五音也

梅膺祚字彙引山海經云播木煮其汁味甘又為酒

馮應京月令廣義引山海經曰道州有暖谷在寒亭之旁

茅溱韻譜本義引山海經曰蟹形如惠文青黑色十二足悉在腹下長五六尺似蟹雌常負雄漁者取之必得其雙

董斯張廣博物志引山海經云崑崙縱廣萬里高萬一千里有清河白河赤河黑河環其墟又引經曰九真郡居風

有風門常出風

程良孺讀書考定曰江海之有潮辰刻不移山海經則以為海鮓出入穴之度即璞七脩類彙集拱辰蟬雪曉言亦

引此云

程氏又曰金五其形似美人首魚尾有兩翼其性通靈不睡出山海經博物志

郭紹孔正誤曰山海經神荼鬱壘海中二神人郭璞注神荼音伸舒鬱壘一作鬱律又作鬱壘張衡東京賦守以鬱壘是也戰國策作鬱壘沈休文作鬱肆王充作鬱壘音義同應劭風俗通楊慎古音複子羅必餘論皆云出山海經戴埴鼠璞亦引山海經曰滄海之中度朔之山上有大桃木其屈蟠三千里其枝間東北曰鬼門萬鬼所出入也有

二神人一日神荼一日鬱壘

陳一中冠編引山海經云黃帝字律曰帝律

虞厚熙陰符演引山海經曰廣成子治屯蒙二卦黃帝之師也

夏樹芳詞林海錯曰山海經海神名馬銜一角而龍形

陳敬香譜引山海經曰丁香生東海及崑崙國二三月花開七月結實郭造卿永平府志亦引山海經曰丁香生東海及崑崙

曰澁淵續演雅云嬰啼聞木枝註云見山海經

山海經圖
正韻註引山海經云楓木入地千年爲虎魄
屠隆篇海云具茨山山名見山海經疾音快
篇韻引山海經云獫狁南極之人尾長數寸巢居林
任臣案前文今本所無存之以備闕畧

山海經圖總目錄

元集

讀山海經語

山海經雜述

第一卷

靈祇

第二卷

異域

第三卷

獸族

第四卷

羽禽

第五卷

鱗介

山海經圖第一卷目錄

靈祇

鼓

帝江

驕蟲

形天

相柳

國師妾

九鳳

英招

神媿

蠹圍

蓐收

奢比

貳負之臣

彊良

陸吾

泰逢

計蒙

燭陰

天吳

雷神

目錄卷終

鼓人面龍身居鉞山




英招 馬身人面虎文
鳥翼司樞江山



陸吾 虎身九首人面虎
爪司崑崙之丘山



帝江狀如黃囊赤如丹火六足四翼渾敦無面目居天山



申魂人面獸身一足一手出崙山





馬鬣狀如人面二首
二目出景山神



泰逢狀如人面虎尾和山之神也
好居蒼山之陽出入有光

巽圍 人面羊角虎爪處驕
山恒遊于睢漳之淵



計蒙 人身龍首居光山恒遊
于漳淵出入必有風雨





蓐收


左耳有青蛇乘兩龍面目有毛虎爪執鉞西方金神也




形天

無首操于戚而舞以乳爲目以臍爲口

相柳
九首人
面蛇身




燭陰
人面蛇身
赤色身長
千里鍾山之神也




奢比獸身人面大耳珥兩青蛇



天吳虎身人面八首八足八尾朝陽谷之神一云十尾




雨師妾 黑身人面 兩手各操一蛇 左耳有青蛇 右耳有赤蛇



貳 貳之臣 反縛兩手與髮 臣其右足在疏屬之山





九鳳
 九首人面鳥身居
 北極天楨之山



雷神
 龍身人頭而鼓
 其腹在吳西

疆長 虎首人身四蹄長肘銜
 蛇操蛇與九鳳同山



山海經圖第三卷目錄

異域

勿民國	謹頭國
厭火國	貫胸國
交胫國	三首國
長臂國	三身國
奇肱國	長股國 <small>一云長脚</small>
無聲國	一目國
柔利國	聶耳國

山海經圖 三元集卷三目錄 卅九

毛民國

臯陽國

氏人國

小人國

一臂民


三面人

釘靈國

目錄

羽民國

為人長頭身生羽
毛在結骨國東南



謹頭國

人面有翼鳥豕方
捕魚在畢方東




厭火國

獸身黑色火出
其口中在謹頭東




貫胷國 爲人胸有竅 在載國東



交脛國 爲人交脛 在穿僂東






長臂國

其人手垂下
地在焦僥東

三首國


一身三首
在鑿齒東





奇肱國

其人一臂三目有陰有陽能
飛車從風遠行在一臂國北



三身國

一首而三身
在海外西南

長股國

一云長脚脚過三丈在雉常樹之北



無脊國


為人無肥腸在長股東



一目國 一居中其面而
居在燭龍之東




柔利國 爲人一手一足反膝曲
足居上在一目國東



山海經圖
聶耳國

爲人耳長行則以手
攝持之在無長國東



毛民國

爲人身生毛
在海外東北



鼻陽國

人面長唇黑身有毛見人笑亦笑笑則唇掩其目



氏人國

人面魚身無足在建水西



山海經圖


卷之二

七



一臂民
 一手一足一目一
 鼻孔在大荒之西

小人國
 人長九寸
 在大荒東



三山人
 八頭三邊各有面
 無左臂居大荒山



釣靈國
 其人從膝已下有七
 馬蹄善走在康居北



山海經圖
 卷之二十一
 五

山海經圖

卷之三

三

山海經圖元集卷三終

上海圖書館藏
民國二十四年五月五日

